



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis De
Chri//stianarum rerum memoria li-//bri decem**

Haimo <Halberstadensis>

Coloniae, 1531

VD16 H 224

De martyrio Iacobi fratris d[omi]ni. Cap. XXVI.

urn:nbn:de:hbz:466:1-29805

RERVM MEMO. LIB. II.

Oliueti, sed conatus eius preuenit Felix, & congressio
ne facta cum armis, Aegyptum quidem fugat, alios
vero vel perimit vel capit, usq; ad triginta octo milia
virorum.

MORS CLAVDII IMPERA-
toris. Cap. XXV.

In terea Claudio tredecim annis & octo mensibus
functo imperio, Nero suscipit principatum. Hic
Festum mittit in Iudæam, ut succedat Felici, apud
quem Paulus causa dicta vincitus Romam mittitur,
Aristarcho comitante, & biennium in libera manet
custodia. Post hoc ad prædicandum dimittitur, non-
dum Nerone in tanta erumpente scelera, quanta de
eo narrant historiæ, sed adhuc dispensatione diuina,
clementius agente, ut interim completeretur prædica-
tio Pauli, & scriberentur eius epistolæ, vel ad perso-
nas, vel ad capita prouinciarum, vel ad fidei solidita-
rem, vel ad decorum euāgelij, deniq; ad totius ecclæ-
siæ utilitatem.

DE MARTYRO IACOBI,
fratris domini. Cap. XXVI.

igitur post Paulum Romam transmissum viden-
tes Iudæi frustratas esse insidias, quas ei intenderat,
ad Iacobum fratrem domini & Hierosolymorū
episcopum conuertuntur ad vindicandum. Tunc ex-
petunt ab eo abnegationem Christi. At ille libera
voce coram omni populo Christum esse filium Dei
confitetur. Tunc de pinnacoli deiectus ab impijs
Iudæis, orans super genua sua, etiam pro lapidantib;
tandem fullonis vecte percussus, occubuit xxx, epi-

B iii

HAYMO DE CHRISTIA.

Scopatus sui anno. Clemens: Fuit autē ex veterom a-
tris suae sanctus, vinū & siceram non bibit, animal nō
manducauit, ferrū caput eius non ascendit, oleo non
est perūctus, balneo non est vsus nec laneo indumē-
to indutus, sed tantum sindone. Huius soli licebat in-
troire in sancta sanctorū, ubi genua flectēdo, incessan-
ter orabat, adeo ut ad modū camelī callos faceret in
genibus. Qui pro incredibili cōtinentia vitæ & iusti-
tia summa appellatus est Oblias, id est, munimētum
populi & iustitia. Nec multo pōst oppugnatio cōse-
cuta est Vespasiani, ita ut & Iudaeorū prudentes hanc
esse causam crederent statim cōsecutæ oppugnatiōis
Hierosolymorum, quod in Iacobum iniecerint ma-
nus sceleratas, iustissimum & omniū cōfessione piissi-
mū virum, qui erat frater dñi, qui dicitur Christus.
Haymo: Ego vero magis opinor hoc eis cōtigisse,
quia in dominū Iesum cōmiserunt, ut quia clamaue-
runt, Sanguis eius supernos & super filios nostros,
tam in se, q̄ in suis successoribus cōtinua fere sanguini-
nis effusione punirentur. Interea Festus morīt apud
Iudaeam, cui successit Albinus Cæsare adiudicāte, Al-
bino Florus, cuius auaritiam & luxuriam cæteraque
flagitia non ferētes (Nam & honorabiles quosq; fla-
gris verberauerat, & nonnullos in sancta ciuitate pā-
ribulo suspenderat) aduersum Romanos rebellant.
Cuius rei occasione, ad debellādos Iudaeos magister
militiae Vespasianus transmittitur.

DE CRVDELITATE

Neronis.

Caput XXVII.